

0.0.1 āyācanasuttaṃ

1. evaṃ me sutam: ekaṃ samayaṃ bhagavā uruve-lāyaṃ viharati najjā nerañjarāya tīre ajapālanigrodha-mūle paṭhamābhisambuddho.

2. atha kho bhagavato rahogatassa paṭisallīnassa evaṃ cetaso parivitakko udapādi. adhigato kho myāyaṃ dhammo gambhīro duddaso duranubodho santo pa-ṇīto atakkāvacaro nipuṇo paṇḍitavedanīyo, ālayarāmā kho panāyaṃ pajā ālayaratā ālayasammuditā¹ ālaya-rāmāya kho pana pajāya ālayaratāya ālayasammudi-tāya duddasaṃ idaṃ ṭhānaṃ yadidaṃ idappaccayatā paṭiccasamuppādo. idampi kho ṭhānaṃ duddasaṃ ya-didaṃ sabbasaṅkhārasamatho sabbūpadhipaṭṭinissaggo taṇhakkhayo² virāgo nirodho nibbānaṃ. ahañceva kho pana dhammaṃ deseyyaṃ. pare ca me na ājāneyyūṃ. so mamassa kilamatho sā mamassa vihesāti.

3. apissudaṃ³ bhagavantam imā anacchariyā gāthāyo paṭibhaṃsu. pubbe assutapubbā:

kicchena me adhigataṃ,
halandāni pakāsitum;
rāgadosaparetehi,
nāyaṃ dhammo susambudho.

¹samuditā - syā, pts

²taṇhākkhayo - machasaṃ

³apissu - machasaṃ

paṭisotagāmiṃ nipuṇaṃ,
gambhīraṃ duddasaṃ aṇuṃ;
rāgarattā na dakkhinti⁴,
tamokkhandhena āvutāti⁵.

4. iti⁶ bhagavato paṭisañcikkhato appossukkatāya cit-
taṃ namati no dhammadesanāya.

5. atha kho brahmuno sahampatissa bhagavato ce-
tasā ceto parivitakkamaññāya etadahosi: nassati vata
bho loko. vinassati vata bho loko yatra hi nāma ta-
thāgatassa arahato sammāsambuddhassa appossuk-
katāya cittaṃ namati no dhammadesanāyāti. atha kho
brahmā sahampati seyyathāpi nāma balavā puriso sam-
miñjitaṃ⁷ vā bāhaṃ pasāreyya. pasāritaṃ vā bāhaṃ
sammiñjeyya, evameva brahmaloke antarahito bhaga-
vato purato pāturahosi.

6. atha kho brahmā sahampati ekaṃsaṃ uttarāsaṃ-
gaṃ karitvā dakkhiṇajāṇumaṇḍalaṃ paṭhaviyaṃ ni-
hantvā yena bhagavā tenañjaliṃ paṇāmetvā bhaga-
vantaṃ etadavoca: " desetu bhante bhagavā dham-
maṃ desetu sugato dhammaṃ. santi sattā apparajak-
khajātikā. assavaṇatā dhammassa parihāyanti. bha-
vissanti dhammassa aññātāro"ti. idamavoca brahmā
sahampati. idaṃ vatvā athāparaṃ etadavoca:

⁴dakkhanti - machasaṃ

⁵ācuñāti - machasaṃ

⁶itiha - machasaṃ

⁷samiñjitaṃ - machasaṃ

pāturahosi magadhesu pubbe dhammo,
 asuddho samalehi cintito;
 avāpuretaṃ⁸ amatassa dvāraṃ,
 suṇantu dhammaṃ vimalenānubuddhaṃ.

sele yathā pabbatamuddhaniṭṭhito,
 yathāpi passe janataṃ samantato;
 tathūpamaṃ dhammamayaṃ sumedha,
 pāsādamāruyha samantacakkhu;
 sokāvatiṇṇaṃ janatamapetasoko,
 avekkhassu jātijaṃrābhibhūṭanti.

uṭṭhehi vīra vijitasāṅgāma,
 satthavāha anaṇa vicara loke;
 desassu⁹ bhagavā dhammaṃ,
 aññātāro bhavissantīti.

7. atha kho bhagavā brahmuno ca ajjhesanaṃ vidi-
 tvā sattesu ca kāruññataṃ paṭicca buddhacakkhunā
 lokam volokesi. addasā kho bhagavā buddhacakkhunā
 lokam volokento satte apparajakkhe mahā rajakkhe
 tikkhindriye mudindriye svākāre dvākāre suviññāpaye
 duviññāpaye appekacce paralokavajjabhayadassāvino
 viharante (appekacce na paralokavajja bhayadassā-
 vino¹⁰ viharante). seyyathāpi nāma uppaliniyaṃ vā
 paduminiyaṃ vā puṇḍarīkiniyaṃ vā appekaccāni up-
 palāni vā padumāni vā puṇḍarīkāni vā uḍake jātāni

⁸apāpuretaṃ - machasaṃ, syā

⁹desetu - syā, pts

¹⁰bhayadassāvine - machasaṃ

udake saṃvaddhāni udakānuggatāni¹¹ anto nimugga-
posīni. appekaccāni uppalāni vā padumāni vā puṇ-
ḍarīkāni vā uduke jātāni uduke saṃvaddhāni samo-
dakam t̥hitāni. appekaccāni uppalāni vā padumāni
vā puṇḍarīkāni vā uduke jātāni uduke saṃvaddhāni
udakā accuggamma t̥hitāni¹² anupalittāni udakena. eva-
mevaṃ bhagavā buddhacakkhunā lokam volokento ad-
dasa satte apparajakkhe mahārajakkhe tikkhindriye
mudindriye svākāre dvākāre suviññāpaye duviññāpaye
appekacce paralokavajjabhaya dassāvino viharante (
appekacce na paralokavajjabhayadassāvino viharante).
disvāna brahmānam saḥampatiṃ gāthāya paccabhāsi:

apārutā tesam¹³ amatassa dvārā,
ye sotavante pamuñcantu saddham, vihiṃ-
sasaññī paḇuṇam na bhāsiṃ,
dhammam paṇītam manujesu brahmeti.

8. atha kho brahmā saḥampati katāvakāso khomhi
bhagavatā dhammadesanāyāti bhagavantam abhivā-
detvā padakkhiṇam katvā tatthevantaradhāyīti.

¹¹udakānuggatāni - syā

¹²t̥t̥thanti - sīmu2, syā, pts

¹³te - syā